

علوم اقتصادیہ و اجتماعیہ

مجموعہ علمکار

ہر ایک پرچہ کوئی شراوانور

مؤسسی

اعلیٰ شریف و شراوانور، شراوانور

مشرقیات

نجات شرک و کفر : م - احمد شریف : آصف خان -
مباحث اخلاقیہ : جامع نوری - تحولات و کفر : جمیع
نوری - ۱۳۲۷ سنہ منی اسلمہ منیہ لاجہ منی : محمد یار

مدیر و صاحب امتیازی :

محمد یار

لکھنؤ : ۱۰ شراوانور

استاذ

امور ادارہ و تحریر : طین مطہری

۱۳۲۶

تجارتي شركت

— کچن نسخه دن مابعد —

سکرنجی باب

رهستوراسیون دورندن ۱۹ نجی عصرک نهایته قدر اشتراك
انكلتره ، فرانسه ؛ آلمانیا ؛ دولت استقراضاتی ؛ فرانسه ده ؛ شركات صنایع ؛
آلمانیا ؛ زولوراین ؛ آلمانیا ده آنونیم شركتler ؛ انكلتره ده آنونیم شركتler ؛
آمریقا ده شركتler ؛ فرانسه ده شركتler ؛ قره دی موبیلیه ؛ آفسیونلی شركتler حقنده
عمالك مختلفه قوانینی

۱۸۱۵ معاهده سنی تعقیب ایدن دوره صلح بك غیر منتظر نتیجه لر
تولید ایتدی . بش اون سنه دن بری ناپولیون محارباتیه بی تاب وزبون
قالان دولتler شیمه دی هم ضایعات ماضیه نك تلافیسنه ، هم ده دیون حریه نك
تأدیه واطفاسنه چالیشمغه باشلادیلر . بومساعی اوروپا ده اعتبار عمومینك
وفکر اشتراكك تأسس وترقیسنك مبدئی عدایدینك لازمدر .

انكلتره بو جهتجه دول سائره یه تقدم ایتمشدی . یکریمی سنه مبادیا
هم محاربه یه دایمقی هم ده فرانسه علیه اوروپا یه آلتونلر داغیتمقی ایچین
اعتبار عمومی یه وقوع بولان مراجعتلر نتیجه سی اولارق قونسولیده ،
خزیننه تحویلاتی نامیه ۲۵ میلیر فرانقی متجاوز سرمایه لی اوراق نقدیه
اخراجی انكلیز قومی اسهام آلیش ویریشنه آلیشدرمشدی . بو اوراق
هرالده تداول اینه یور و بویوك بانقلرك احتیاط آچمق سنی تشکیل ایدیوردی .

طبیعی اعتبارك بودرجه توسع وترقیسی فكر اشتراك اوزرینه اجرای تأثیردن خالی قالمه دی .

۱۸ نجی عصرك نهایتده مقداری ذاتاً كثیر اولان خصوصی بانقارل سنین متعاقبه ده ده زیاده تعدد ایتمش ، ۱۷۹۷ ده (۲۸۰) دن عبارت ایکن ۱۸۰۵ ده ۴۵۰ یه و ۱۸۱۳ ده (۷۲۰) یه بالغ اولمشدی . کوچوك شهرلرده ، حتی کویلرده بیه خصوصی بانقارل افرادك ثمرات تصرفی آلاق استقراضات عمومیه یه یاتیریورلردی . بخار قوتنك صنایعه تطبیقی ، ما کنه لرك اعمالی جسمیم سرمایه لره متوقف اولدیغدن بانقارل طوبلادقلری تصرفات ایله بونلركده تشکله خدمت ایستیلر ویکی اصوللر بوسایه ده تعمیم وانتشار ایستدی . انکلتزه آرزمانده قابریقارلره اورتولدی ، برچوق شهرلر بوسایه ده احراز نفوذ وشهرت و کسب اقتدار وثروت ایستیلر .

محاربات بحریه دوام ایستدیکی مدتیجه انکلتزه ساحه تجارتی تشکیل ایدن ممالک بعیده ده حکومتلرینك هیچ برینك رقابته تصادف ایتهدیکندن بوشر کتله شایان غیظه برترقیه مظهر اولدیلر . فقط انکلتزه نك بوزمانکی حالی اك کوچوك مبادلات ایچین بیه ایجاب ایدن نقد معدندن محروم و بر چوق اوراق تقدیه ایله مشبوع اولق حسیله اساسات حقیقیه اعتباریه یه مغایر اولقله برابر آز برمدت ظرفنده بو خطرناك موقعدن کندیسنی قورتاره بیلدی ؛ انکلیزلر اطمئنان وطنپرروانه لرینی هیچ بر زمان غائب ایتهدیلر .

انکلتزه ده كرك اداره سیاسیه ، كرك تطبیقات عدلیه ، كرك ثروت عمومیه نك خلاصه هر شیئك فوقنده منافع تجاریه ملاحظه سی موجود ایدی . انکلیزلر اولادلرینك تعلیم وتربیه سنی کندی قوتلرینی تشکیل ایدن فكر تشبث اوزرینه استناد ایستدیردیلر . واستقبال تجاربلرینی ده بوزماندن تأمین ایله مکه باشلادیلر .

فرانسه ایسه اوزمان اهمیت تجاریه سنی آرتدیرمغه مقتدر اولامامشدی .
 ۱۷۷۵ - ۱۸۱۵ سنه لری آراسنده ادخالات و اخراجات مقداری تزیاید
 ایتمه یه رک ۴۰۰ میلیون فرانقدن عبارت قالمشدی ؛ دیون عمومی سنداتی ده
 اردو تعهداتی ، فرانسه بانقاسی حصه دارلنی دولایسیله حکومتک امور
 مالیه سنده دوغروندن دوغرویه علاقه دار اولان قلیل المقدار حامللر انده
 بولونویوردی . سرمایه دارلر حکومت رانتلرندن زیاده اموال غیر منقوله
 اشتراسه ، حساب جاری و یارهن صورتیه اقرضاته راغب و میال ایدیلر .
 آلمانیا اعتبار عمومی نقطه نظرندن فرانسه دن ده اای برمو قعده
 بولونویوردی . هانسه آتیک شهرلرک انکلتره ایله اولان مناسباتی
 سرمایه لرک انکلز فوندولرینه یاتیریلما سنی واسهام اوزرینه اسپه کولاسیون
 اجراسنی تسهیل ایتمشدی . برده انکلتره آلمانیا یه وعد ایتدیکی معاونات
 نقدیه یی فرصت بولدقجه قونسولیده لرله تأدییه ایله مکده اعمال ایتمه مشدی .
 فقط ناپولیون محارباتی اثناسنده آلمانیا بر ساحه حربه تحول ایتدیکنندن
 بوتحول چابوق محو اولمش و صنایع ایمپراطورلنی دورنده فرانسه ده اولدیفنی
 کی حال انحطاطه گلشدر .

۱۸۱۵ سنه سنی متعاقباً آلمانیا حکومتلری تبعه لرینه بر سربستی تام
 بخش ایتمه مکله برابر صلحی ، و ترقیات مادییه یی تأمینیه غیرت ایتدیلر .
 آرتیق انکلز لرک اعاناتی کسیدلیکنندن بودجه یی بومنبعه مراجعت ایتمک سرن
 توازن ایتدیرمک لازم کلیوردی . سنه لرجه طاقت فرساحن و مشاق آلتنده
 از یله ن بو اهالی یه یکی ویرکیلر تحویل ایتمک ممکن اولمادیغندن یکانه چاره
 اعتبار عمومی یه مراجعت ایتمکدن عبارتدی .

ذاتاً بودورده هر مملکت واسطه سلامتی بونده بولیوردی .

۱۸۱۶ - ۱۹ سنه لری آراسنده فرانسه ، روسیه ، اوستریا بر قاج دورلو
 استقر اض عقد ایتدیلر . فرانسه ۱۸۱۷ ده بارینغ و هو ب بانقارلی طرفندن یوزی
 ۵۲،۵ و ۵۵ اولارق استشرک ایدیلهن ۱۸ میلیون فاضلی ۲۰۰ میلیونلق

براستقراض عقد ایتدیک کی ۱۸۱۸ دہدہ یوزی ۶۰۵ دہ اولق اوزرہ
 ۱۴۶۰۰۰۰۰ فرانق رانتلی یکی براستقراض عقد ایتدی. ۱۸۱۹ سنہ سندنہ
 ینہ بارنیخ وھوب بانقالری طرفندن اشتراك اولونان (یوزی ۱۷، ۷۵ یه)
 ۲۶۵ میلیون فرانقلق بریکی استقراضہ دھا مراجعت ایلہدی. اوستریا
 ملی بانقاسنک وروچیلد برادرلر بانقاسنک معاونتیلہ ۱۲۹ میلیون فلورینک
 براستقراض عقد ایلہدی. پروسیہ وروسیدہ عینی طریقہ مراجعت ایتدیلر.
 بوزماندہ میدان تداولہ ۱،۵ میلیار فرانقلقندن فضلہ اسہام چیقاریلدی
 وبونلر آرتیق دوام صلحدن امین اولان اوروپا سرمایہ دارلرینک ائندہ
 اخذ موقع ایتدی.

بودورہ نك اك بويوك مؤسسات مانيہ سی بواسطقراضاتہ دوغرودن
 دوغرویہ اشتراك ایدن غولڈ شمیت، ھوپ، بارنیخ وبونلرک فوقدہدہ
 روچیلد برادرلر بانقالری ایدی. فرانسیز بانقالری بوحرکتہ اك صوکر
 اشتراك ایتمککہ برابر ینہ ۲۲ و ۲۳ استقراضلرندہ بويوك تمعلرہ
 دسترس اولدیلر. فرانسنہ نك اولکی استقراض سنداتنک قسم اعظمی
 لوندرہ، آمستردام، فرانقفورت بورسہ لرینہ کیتدیک حالہ بودفعہ ھپسی
 فرانسیز بانقلرندہ طویلاندى و ۱۸۲۳ سنہ سندن صوکر ۱۵۱ آی کچمزدن اول
 رانتلرک فیأتی ۸۵ دن یوزہ فیرلادی. ودها برمدت صوکر پارس بورسہ سنہ
 یانکز بواسہام کافی کلہ میہرک دول اجنبیہ استقراض سنداتی دہ فرانسیز
 سرمایہ دارلرینک جزدانلرینہ کیردی.

فرانقفورت، ویانہ، برلین بورسہ لری دہ بوحرکاتہ بويوك برقوتلہ
 اشتراك ایتدکلرندن بورسہ معاملاتی دھا بوزماندہ بین الممل برحالہ کلدی.
 بوپارلاق ترقی یی موجب اولان بويوك بانقالرک یانندہ ایکنجی درجہدہ
 برطاقم مؤسسات مالیہ یی ذکر ایتک لازمدرکہ بونلردہ دولت استقراضاتنہ
 دوغرودن دوغرویہ اشتراك ایدمہ یوب دھا متواضع اشبئلرلہ کسب تمتع
 ایتک ایستہ یہ نلردی کہ شرکت صنایعہ بونلرک مقاصدینہ پک موافقدی.

فرانسه‌ده قونت دو قاز قاینه‌سی موقع اقتدارده بولوندیغی زمان تصرف صندیق‌لری کشاد، اسکی توتینار تنسیق متقابل، سیغورطه قومپانی‌لری تشکیل اولوناراق بونلر کرک حکومتک، کرک سرمایه‌دارک انظار دقتی جلب ایتدی. ناپولیونک تجارت قانونی نشر ایدیلدیکی زمان آنونیم شرکتلرک مآذونیت رسمیه‌یه تابع طوتولماسی تجارت اودالریله محکمه‌لرینک اکثریسی طرفندن مصرانه طلب ایدیلدیکی حالده شورای دولت ایمپراطوره خوش کورونمک ایسته‌ین موسیو رهنودوسن ژان دائره‌لی ایله بعض رفقاسنک اصرارلیله بوساسی قبول وادخال ایتشدی. کرک بو، کرک نظارتجه کوندریله‌ن تحریرات عمومیه‌لرک محتوی اولدینی مواد تحدیدیه دولایسیله تشبثات ایچین آنونیم شکلنک استعمالنده صغوبت کورولویوردی. حال بوکه شو ذکر ایتدیکمز شرکتلر برجه‌تجه اداره‌یه‌ده مربوط اولدقارندن آنونیم طرزی بونلر ایچین پک موافق بولوندی.

۱۸۱۹ - ۴۴ سنه‌لری آراسنده پارسده وولایته آلتی تصرف واحتیاط صندیقی شرکتی، درت یکی توتین شرکتی، ۱۵ متقابل حریق سیغورطه شرکتی، بش ثابت پریملی سیغورطه قومپانی‌سی تشکل ایتدیکی کبی امورنافعه ایچین ده برچوق آنونیم شرکتلر وجوده کلدی.

بوشرکتلرک هپسنک طرز تشکلی همان تماماً بربرینک عینی ایدی. حکومت بونلرک هپسی اوزرنده بویوک برحق تقیش محافظه ایله‌مش و صوکرالری بومداخله آنونیم شرکتلرک فرانسه‌ده تأخیر ترقیسنه بادی اولمشدر. یکی شرکتلرک کرک‌نامه محرر کرک حاملنه عائد اولان آقسیونلری یوکسک فیأندن اخراج ایدیلدیکندن طبیی پک جزئی برقسم سرمایه‌دارلر طرفندن اخذواشتر اولونابیایوردی. مؤسس بائقارده بونلری یالکمز کندیلرینک منتخب مشتری‌لری ایچین صاقلا یورلاردی هنوز آنونیم شرکتلرک آقسیونلری اک کوچوک سرمایه‌دارلره بیله تسمیل ایده‌جک بر ده موقراسی حصوله کله‌مشدی.

مع مافیه بو دوره دهده کوچوک سرمایه لر صنایعدن اوزاق قالمایورلر ، قوماندیت صورتیه بوکا اشتراک ایدیورلردی . اوزمان فرانسه ده تأسس ایدن ومملکتک رفاهیت وتفیضه خادم اولان برچوق فابریقه لر ، ترقیلرینی بوشکله مدیوندرلر .

خلاصه فرانسه ده صلح ومسالمتک تأسیسی وقونستیتوسیون اصولنک اخذ موقع ایتمه سی افرادک ثروتلرینک صورت وضعنده بویوک برتبدل حاصل ایتدی وثروت ملیه بویوک برترایده مظهر اولدی . آرتیق دوره مساعینک دوام ایده جکی حقنده کی افکارعمومیه هرطرفدن تشبثات صنایعه ومالیه ایچین سرمایه لریک هجومی موجب اولیورلردی . آنونیم شرکت شکلی نهرلرده سیر سفائنه ، معدن وکومور اخراجاتنه ، تنویر غازی اعمالنه اومنیوسلره تعمیم وانتشار ایتدی .

اوتنجی شارل زماننده اون سنه دوام ایدن بر سعی شدید ماضینک بوتون خرابه لرینی تعمیر ایتدی ، محاربه نک آچدینی بوتون جریحه لری قاپاتدی .

ایشته فرانسه بوتون اقطار متمدنیه اراضینک اوزمانه قدرایشله نهمه مش اولان ثروتلرینی ودهای صنایینک نفوذ وقدرتی عرض واعلان ایتکده ایکن آلمانیا ده عینی طریقه ده عینی درجه ده سریع ترقیاته مظهر اولیورلردی . یکرمی سنه متادیا آلمانیا ده ، ایتالیا کی ، فرانسه علیه عقد اتفاق ایدن اوروپا دولترلرینک ساحه حرب ووغاسی اولمش ، محاصره فلاکتلی آراسنده تجارتی ، فابریقه لرینی ، ثروت زراعیه سنی غائب ایتشدی . ۲۸۱۵ سنه سنی متعاقباً آلمانلر تأسس صلحدن بکله دکلری فوائده تماماً مظهر اولاماقله برابرینه تشبثات تجاریه وزراعیه کمال تهالکله آتیلدیلر .

فقط آبلوقانک رفی فرانسه ده اولدینی کی آلمانیا ده تجارتجه مهم بر تحولی انتاج ایتشدی . آبلوقا دوام ایتدی کی مدتیجه بلجیقا وهولاندا لیمانلرینک مسدودیتی حسیله هامبورغ ، نوبهک وبره مستقل شهرلری

جنوبی آلمانیاہ ، اسویجرہ وایتالیاہ نقل ایدیلہ جک انکلین و مستعمرات .
 اشیاسنک ترانسیت تجارتی الدہ ایتمشلر ، اسکی هانس طریقنک شرف و عظمتی
 تکرار تعالی ایتدیرمشاردی . [*] كذلك وستفالیا وساقسونیاده انکلین .
 تاجرلرینک شو دورده آنجاق قاجاق اولارقی ادخال ایدیلہ کیری .
 منسوجاته مخصوص فابریقالر کشاد اولونمشدی . حال بوکه صلحک
 تأسیسیله آنوره رس ، امستردام لیانلری اسکی اهمیت تجاریه لرینی تکرار
 احراز ایتدیلر . جنوبی آلمانیا واسویجرہ تجارتی البه و اودهر طریقندن
 رهن طریقہ کچدی . هانس شهرلری بوزیانلرینی آلمانیا ی شمالیہ هجوم
 ایدن وفیاتلرک قیرغینغیلہ ۱۸۱۸ بحرانی حاضر لایان انکلین اشیاسندن ده پو
 اولقلہ تلافی ایلهمک ایسته دیلرسده بوزولان موازنت اعاده ایدیلہ مدی .
 یرلی فابریقالر انکلینلرک رقابتدن مصون قالمق کبی انکلترده قارشیدنه
 بولندینی رقیبلردن متحیر قالدی .

بوتحول پک بویوک ضایعاتی موجب اولدی . فقط افکار عمومیہ
 اسباب بحرانی عمومی بر صورتده تدقیقندن زیاده استقراضات عمومیہ
 تهیجاتیله مشغول اولدیغندن پک بویوک بر تاثیر حاصل ایدہ مدی .
 ویانده و آلمانیا ده بر چوق مشهور موسوی مؤسسات مالیہ سی آچیقده بولنان
 عموم سرمایہ لری استقراضاته جلب ایدہ بیلیمک و خلقی بورسہ معاملاتنه
 آلیشیدیرمق ایچین توحید مساعی ایلہ دکلرنندن هر کس بوتشبت قارشیدنه
 سائر هر شیئی اھمال وفراموش ایتکده ایدی .

ایشته انکلترده ، فرانسه ده و آلمانیا ده موجودیتی کوردیکمز بو
 اسپہ کولاسیون حاسنک پک شدتلی بر بحرانی منتج اولماسی پک طبیعی
 ایدی کہ بوده چیکمنہ دی . انکلترده سرمایہ لرینک قسم اعظمی آمہ رھقا

[*] ناپولیونک اعلان ایتدیکی . Blocus continental اوزرینہ هامبورغ ، لوبہک

وبرہم شهرلرینک ناصل بر موقعده بولونقلری حقندہ Grande Revue نام رسالہ
 موقونہ نک ۱۹۰۲ Déc نسخہ سنده مندرج بر مقاله ده تفصیلات مهمہ وارد .

اسهام و تحویلاتنه افراغ ایتش اولان غولده شیمیت وسائر برچوق بانقارلک سقوطی اوروپاده اعتبارک مدهش بر صورتده تزلزلتی موجب اولدی . بو وقعه استقراض سندلرینی کوچوک سرمایه دارلره صاته جق اولان ایکسجی درجهده بانکرلرده برصاعقه کی تأثیر ایتدی . فقط بویوک بانکرلر اولجه بهالی صاندقلری سنداتی شیمدی اوجوز اشترا ایتمکه صوکر ا وقوع بولان ترفعدن بویوک برتمعه مظهر اولدیلر . اهالی ایچینده بو ، برمعتاد موقت دوام ایدن ، بردرس عبرت اولدی .

بو حادته اعتبار عمومینک صاغلام اساسلرینک بویله اسپه کولاسیون معاملاتنه منحصر اولمایوب ترقی زراعت ، صنعت ، و تجارت مستند اولدیغنی افشا ایتدیکندن آلمانیا حکومتلری بواساسلری تأسیسه غیرت ایتدیلر . زولوراین اتحادینک منشأی آلمانیا هیئت متحده سنی تشکیل ایدن دولترلر دن بعضیسنک آراسنده ، کروک تعرفه لرندن دولایی شو تاریخده حصوله کلهن بر وفاق و استلافدر . صنایعک بو زماندن بدأ ایدن ترقیسنده شرکتات تجاریه نک بویوک بر دخل و تأثیری اولمشدر .

بو تاریخندن اعتباراً آلمانیا اسکی قورپوراسیونلر برینه یکی قوماندیت و آنونیم شکلرینی قبول ایدرک فرانسه قاتون تجارتندن اقتباس احکام ایدن دولتلره التحاق ایتدی . مع مافیه بوندن اولده آنونیم شکلی آلمانیا ده مجهول دکلدی . اوستریاده یوقاریده برنبه بحث ایتدی کمز هند شرقی شرکتی تشکیل ایتدی کی پروسیه دهده بویوک فره دریق ساننی زماننده تشکیل اولونان Preussische Seehandlung Societat شرکتی یکی اساساته مستند اولار ق تاسیق ایله مشدی . بو شرکتک بهری ۵۰۰ تالرک ۴۴۰۰ آقسونه منقسم ۱۲۴۰۰۰۰۰۰ تاله رسر مایه سی واردی . بو آقسیونلرک ۲۱۰۰ ینک بدلی خزینة قرالیدن ویریش اولوب امور ادارهیه اصلا اشتراک ایدمه مین اهلینک یالکز ۱۵۰ بیك تاله لرلرک بر اشتراکی واردی .

۱۷۶۵ ده هامبورگده انکلین قومانیالری شکلنده بر آقسیونلی سیغورطه قومانیاسی Assecuranz Compagnie تشکیل اولونمشدی . فقط بو شرکتدهده هنوز حقوق مدنیه قواعدندن پک خارجه چیقیلامامشدی .

۱۸۱۵ مصالحه سنی متعاقباً البهرفه لد تاجرلرندن ژاقوب آدر نامنده بر ذات صنایع ملیه محصولاتی مستعمرانه اخراج ایتمک فکرینی تصمیم ایله مکه غیرت ایتمش، فقط برچوق سنه لر مقصدینه موفق اولامامشدی .

نائب ۱۸۲۱ ده آلمانیا ، اسویچره وهولاندا محصولاتی انکلینرله اسپانیولارک هندغربی مستعمرانه اخراج ایتمک مقصدیله بر شرکت تشکیل ایده بیلیمشدی . سرمایه ابتدایی آنجاق بر میلیون تالهردن عبارت ایکن بالآخره مؤسسیه البهرفه لد تاجارندن آلتی کیشینک تشکیل ایتدیکی هیئت اداره اخراجات تجارتی اساسلری حسن صورتله وموفقیتله تطبیق ایدهرک شرکت پروسیه تجارت نظارتی ، پرنس شارل وحتى قرال کی شریکله مالک اولدی . ۱۸۴۱ - ۲۵ سنه لری آراسنده هاتی ، ومکسیقایه وقوع بولان سوقیات تجاریه نک تولید ایلدیکی منافع دولایسیله آقسیونه لرلر یوزده دورت فائضدن ماعدا یوزده دورتده حصه تمتع آلدیلر . بو موفقیات نتیجه سی اولارق مجلس اداره سرمایه شرکتک تضعیفنه ومعاملاتک هندستانک انکلتره وهولاندا التده بولونان اقسامنه تشمیلنه قرار ویردی .

بوصیراده مؤسس وفات ایتدیکنندن کندیسیله برابر منطقی ومعقول اساسلری ده کوتورمش، شرکتده بونک یرینه بر تصادف بولتیقه سی قائم اولمش ، بوحالده شرکتک لیکیداسیونتی - آقسیونه لرلر ایچین یوزده سکسان ضررله - انتاج ایله مشدر .

فقط بو شرکتک اضمحلالی مملکتده اویانان حرکت تجاریه بی سکتده دار ایتیهرک البهرفه لدده ، اکس لاشاپلده ، استه تنده ، قولونیده خلاصه آلمانیا ناک هر طرفده برچوق آنونیم شرکتلر تشکیل ایتدی ،

انکلتريه کلتبه: بر حق محاذيرنه رغماً بنه مسئوليت غير محدوده سي شرکتلر ده قاعده يکانه ایدی. Cartersip دنيلهن قولله قتيّف شرکتلر دن ماعدا برده پارلمنتونک امرنامه سيله و حقوق مدنيه خارجنده بعض امتيازاتی حاوی اولارق تشکل ایدن Corporation لر واردی.

برنجیلر ده شرکادن هر بری شرکتک کافه دیونندن مسئول و بر شخص معنوی تشکيل ایتهدکاري جهته اقامه دعوا و مدافعه ده هپسی حاضر بولونمغه مجبور و هر بری شرکای سائر نه مآذونیتی اولقسزین شرکتدن چکیلوب یرینی دیگر برینه ترکه غير مقتدر اولدینی حالده ایکنجیلر ده دیون شرکت ایچین اعضانک اموال و املاک موجوده سی تعقیب ایدیلر یوب یالکز شرکتک اموالی نظر دقته آلینر، شرکت بر مرخصله اقامه دعوا و مدافعه ایدیلیر، و شرکت صفت شخصیه یی حائز اولمادینی جهته سرمایه دن حصه یه مالک اولانلر بوکا مربوط اولان حققرینی سر بستجه، بدله یا خود مجاناً دیگر شرکانک استحصال راینه مجبور اولقسزین اشخاص ثالثیه ترک ایدیلیرلر دی.

صوکرالری بونلره Point stock Companies دنيلهن فقط اعضاسی اداره نک کافه معاملاتندن غير محدود صورتده مسئول اولان شرکتلر ده انضمام ایتدی. فرانسه ده حتی آلمانیده بيله اکتین آدملر دخی بوشرکتلره داخل اولمغه موافقت ایدمیه جکنه انکلیز لر اساساً تجارتیه میال اولان طبعیترینک الجات و سوقیاتیه بوکی موانع اوکنده توقف ایتمه دیلر. ۱۸ نجی عصرک نهایتندن اعتباراً یوقاریده کوردیکمز وجه ایله قاناللر، دوقلر، بانقالر ایچین بونیوک شرکتلر تشکيل ایتدیلر. فقط نه واضح قانون، نه ده محکمه بویکی شرکتلره قارشی بر حسن قبول کو سترمه دی. محکمه بونلر حقنده پارتیه سیلره متعلق قواعدی کاملاً تطبیق ایتش و واضح قانون ده ا قیصه بر طریق اختیار ایدرک Buble act ایله بونلرک تشکلی قوربور اسیونلرک امتیازاته تجاوز و تعرض کی تلقی ایله مشدی.

فقط بو شرکتلر حقیقی بر طاقم احتیاجاتک محصولی اولدقلرندن قانونک وضع ایتدیکی ممنوعیت مهم بر تاثیر ایقاع ایدمهدهدی .

۱۸۱۹ و ۲۵ بحرانیلری بومفرط نظاماتی تعدیل ایتک لزومنی احساس ایله دیکندن ۱۸۲۵ ده مذکور قانون رسماً ایفا ایدیلدی .

۱۸۲۵ سنه سنه قدران قورپوراسیون امتیاز نامه سی اعطا ایتک یعنی مسؤلیت محدوده لی بر شخصیت معنویه - ایدیلک یا لکیز پارلمنتویه عائد بر صلاحیت ایکن اوتاریخده بومأذونیت مقام حکمداری به Couronne ده - فقط اعضانک مسؤلیتی تحدید ایتکسزین - اعطا اولوندی . ۱۸۳۴ قانونی ینه مقام حکمداری به بعض شرکتلره مسؤلیت محدوده بخش ایتکسزین - بعض امتیازات وبالخاصه بر مرخص قانونی ایله ادعا ومدافعه حقوق ایتک مساعدیه سنی اعطا ایله مک مأذونیتی وریلدی . ۱۸۴۴ ده دیگر بر قانون بانقارلدن ماعدا عموم شرکتلرک لوندرده براداره مخصوصه دن برانقورپوراسیون شهادت نامه سی - شخصیت معنویه بی حائز اولدقلرینه دائر - آلابیلمه لرینه قرار ویردی .

مع مافیله بو مختلف قانونلرله تشکیل ایدن شرکتلرینه حقیقته بر پارتیه رسیدن عبارتدی ؛ اعضا شرکتک دیونندن صوک حبه ثروتلرینه قدر مسؤلدیلر . تحدید مسؤلیت یا بر امتیاز نامه یا خود پارلمنتو قانونیه بخش اولوناییلردی . قانونک بو جهت ۱۸۵۴ ده تعدیل ایدیلدی . بوقانون ۱۸۴۴ قانونندن مستفید اولابیلان عموم شرکتلرک مسؤلیت محدوده لی برانقورپوراسیون شهادت نامه سی آلابیلمه لرینه قرار ویردی . ایشته انکلتره نک بوتون مؤسسات عظیمه اعتباریه سی وشمندوفر قومانیالری بوزمانده تشکیل ایتدی .

انکلتره ده شرکت تجاریه جه اوروپا اصولنه تماس ایتکده اولدینی صیراده حکومت متحده ده دخی دیگر واسطه لرله عینی برتحول رونمون اولیوردی .

آمریکا انکلترونک تحت حاکمیتده بولونیدنی مدتجه مستعمرات هر خصوصده اولدینی کبی شرکت تجاریه جهده انکلترونک قوانینه تابع ایدی . فقط الکیزاده زراعتله و تجارت بحریه ایله مشغول اولان مستعمرلر پارلمنتونک مساعده سنی ایجاب ایدمک شکیلره پک آز مراجعت ایدوب اکثریتله قوله قتیف (پارتیه سیپ) شکنده اشتراک ایدیورلردی .

حکومات متحده انکلترون آیریلنجه هر نه قدر اصل وطنلرینک قانون مدینسینی Common law اساس اولارق قبول ایتمشلر سده امتیازات وانحصارات ، امتیاز نامه لک قرال طرفندن اعطاسی کبی احوال مساوات و سربستی به مخالف کورولهرک طی ایدیش و بو آندن اعتباراً آنونیم شرکتلر حکومتدن یالکیز اهلیت قانونیه لرینک ، موضوعلرینک اسایش عمومی به ، حسن اخلاقه مطابقتک تصدیقی متضمن بر مساعده اخذ ایتک مجبوریتده بولونمشلردر .

بوصورتله هر دور لومداخله دن مصون قالان قورپوراسیونلر آمریقاده مدنیتک تعقیب ایتدیکی طریق اوستنده پک بویوک براهمیت و سرعتله ترقی ایدمیلیدیلر .

فعالیت صنایعه و تجاریه نک هر شعبه سی ایچین لایمده شرکتلر وجوده کلدی . بونلرک بر چوغی خیالی برطاقم سبیلره استناد ایتدیکی حالده ینه فرانسه ده حصه لی قوماندیتلرک موجب اولدینی حادثه مؤله آمریقاده ظهور ایتمده دی . بونکده سببی آمریقا واضع قانوننک آنونیم شرکتلر قانونی تعقیب ایتدیکی پره نسپه موافق اساسلره استناد ایتدیرمه سندن باشقا برشی دکلدی .

بقانون شرکتلری اداره جه قید و تحدید آلتله آمامقله اصول سربستی یی قبول ایتش و یالکیز تعهدات شرکتک اعلانی مجبوریتی وضع و امرایله اکتفا ایله مشدر . کذلک اشتراک ایتدکلری سرمایه یی تماماً تأدییه به مجبور اولان مستشرکلرک علاقده دارانک کافه سنجه معلوم اولماسی

لزونمك وضعيه اهالى به بونلرك درجه اعتبارلرني تقدير ايدم بيلمك
اقتدارني ويرمشدر .

اوزون بر تجربه شركات تجاريه ايجين ده اك مكمل شكلك بو
اولديغني اثبات ايتمشدر .

فرانسه ده آنونيم شركتلر قانوني هنوز بوساده لكي احراز ايدم بيلمك
يك اوزاق بولونويوردى . قانون تجارتك آنونيم شركتلر دئر اولان
موادى بونلرك تشكilde حكومتك ارزو ومساعده سنه تابع اولديغني ميين
ايدى . طلب اولونان مساعده شوراي دولتك مطالعه سي اخذ ايديلد كدن
صوكرا صادراولاجق برده قره ايله اعطا اولونوردى . شركت مستقبلك
نظامات اساسيه لايحه سي شوراي دولته تقديم اولونور ؛ شوراده يا بو
نظاماتك قبوليله طلب ايديله ن مساعده نك اعطاسنه ؛ يا خود نظاماتك
تعديلدن صوكرا مساعده ويريله سنه ويا خود استدعا نك ردينه قرار ويرردى .
وبو قراري ايجين اسباب موجب كوسترمكه مجبور اولمازدى .

بوقود اهالينك محتاج اولديغني وطلب ايتديكي سربستى ايله قابل
توفيق اولمايدىندن فرانسه ده آنونيم شركتلردن زياده بر مدير ك Gerant
تحت مسئوليتده بولونديغني ايجين استحصال مساعده دن فضله اولان
آقسىونلى قومانديتلر ترقى ايتدى . ذاتا ناپوليونك تجارت قانونى اوزون
بر مناقشه دن صوكرا قومانديتلرك سرمايه سنك حصه سنداته تفرى قى قبول
ايتمشدى . معامله جيلر بونى مساعده كوردكلرندن بو شركتلرده آز زمانده
برچوق سوء استعمالات وقوع بولقله برابر حكومت ۱۸۳۸ ده ترتيب
ايتديكي بر قانون لايحه سيله تعقيب ايتديكي مقصده كه اوده حصه لى
قومانديتلر ياكاملأ يا خود بونلرك يالكز حامله عائد آقسىون اخراج
ايتمه لرني منع ايتمكدى - واصل اولامادى . تجارت محكمه لرى بونك
الزم ولا بد اولديغني ادعا ايتديلر . اعتيادات تجاريه بوراده مظفر اولديغني
كي ديكر موانعك رفضه ده موفق اولاييلدى . مدير لر لايغزل اولدقلى

جهتیه حاکم و آمر مطلقدیلر . نظامات اساسیه بوکا دائر بر قید علاوه ایدیلدیکی تقدیرده ژهرانلرک عزل ایدیله بیلمه لرینه قرار ویریلدی . قوماندیتهلرک اداره شرکته مداخله لری غیر حائز دی . سوکرا بونلر ایچین برحق تفتیش و نظارت یعنی حق مداخله اخذ ایدیلدی و حتی ده ایلاری کیدیلهرک نظامات اساسیه ده بوبابده قید و صراحت موجود اولنجه ژهرانک حقوقی تحدید اولونا بیلمه سی کنديسندن بعض تداییر تأمینیه طلب ایدیله بیلمه سی رعایته مجبور اولاجنی ده بعض قواعد اراهه اولونا بیلمه سی ده تجویز ایدیلدی . ۱۸۵۶ ده نشر ایدیلن برقانون قوماندیتلری بر طاقم صیقلی قیود آلتنه آملقه برحقو شرکترلرک تشکله مانع اولدی . نهایت ۱۸۶۷ قانونی آنونیم شرکترلرک مساعده رسمیه استحصال ایتمکسزین تشکلیلرینه مساعده ایلهمکله آقسینونلی قوماندیتلری بی لزوم براقدی .

فرانسه ده رهستوراسیون دورینک سیغورطه ، بانقا ، معدن ، وامور نافع و سیرسفاثن شرکترلرینک تشکله ویردیکی کریمی تموز قرالیتی ائناسنده دها شدید ودها عمومی بر صورتده دوام ایتدی .

هاور ، لیون ، طولوز بانقالری بوتاریخده کشاد ایدیلش ، و بونلر اوزمان میدان تداوله بولونان سرمایه لرک وضعنه کافی کلشدی . فقط شو صیراده شمندوفر جیلک صبعی فرانسه ده یرلشمکه باشلامش و سرمایه لرک مهم بر قسیمی دمیر یولی قومپانیالرینه کچمشدر . دمیر یوللری آلمانیا ، انکلتزه ، بیلجیقا و آمریقا ده پک بویوک تر قیاته مظهر اولمقده ایکن فرانسه یالکز برقاج کیلومتر و یول انشای تدریش اولوب امتیاز ویا بالذات اداره اولولرندن هانکیسنی انتخاب ایده جکنده متحیردی . نهایت برنجی اصول راجح کورولش و شمندوفر لرینک انشاسی وایشله دلمه سی ضمنتده بر چوق آنونیم شرکترلر تشکل ایتمشدر . ۱۸۳۹ - ۴۲ سنه لری آراسنده قومپانیالر هان عموم یکی صنعتلرده وقوع آجی تجربه لره جولانگاه اولدیلر ؛ آقسینونلری مدھش بر تنزله اوغرا دی ؛ کرک بونلرده کرک

بالعموم بورسسه سند اتنده بویوک بر بحران وقوع بولدی . اهالی بونک قباحتی امتیاز نامه لره ، حکومتک تعیین ایدلمش دیگر تعرفه لره وهر زمان تحوله اوغرامسنى طییجی و مطلق اولان بر صنعتده مهندس لرك التزام ایتدکلری زینت فوق العاده یه عطف ایده رک خرابه لرك تعمیرى ایجین بر معناد حکومته مراجعت ایلهدی . حکومت و مجلس عمومیه تعرفه لری تعدیل ایتدی ، حال و موقعک ایجاباتنه موافق معاونت لره بولوندى .

۱۸۴۲ قانونی فرانسه ایجین جسم بر شمندوفر شبکه سی پلانی وجوده کتیردی . قومانیالر حکومتک ظاهرأ پک موافق اولان شرائطنه موافقت ایتدکن صوکر ایشمدی مضارف یكون و تحقیق ایده جک وارداتک جزئی قارشیننده متدهش اولیوردی . ذاتاً انکلتزه مثالی شمندوفر جیلاک صنعتک اورادده کچیر مکده اولدینی بحران (۴۶-۴۷) هرکس حتی ۴۲ ، ۴۵ قانوناریله قومانیالره ویریلن شرائط موافقه دن استفاده ایتک ایجین فرانسه یه قوشان انکلین سرمایه دارلرینی بیله نومید ایله مشدی . اعتبارلری سکتهدار اولمش اولان قومانیالر کندیلرینه احاله ایدیلن خطلری انشا ایتک یاخود یکی امتیازلر آلمق خصوصلرنده متردد ایکن ۱۸۴۸ اختلالی ظهور ایتدی و فرانسه ده جمهوریت اعلان ایدیلدی .

جمهوریتک اعلانی دمه موقراسی اساسلرینک تعممنی موجب اولمش و شباط اختلالی عملهلر آراسنده بر طاقم شرکتلر وجوده کله سنى انتاج ایله مشدر . بونلرک اکثریسی استقبالی بکله یه مه دن سونوب محو اولمشدر . ایشه فرانسه ده بویلاک عمله شرکتلری قصورلری آلتنده سونمکده ، آلمانیا ده اعتبار عوام شرکتلری خفی و بطی بر تحول کورمکده ایکن فرانسه اختلالدن شدتله متأثر اولان فعالیت صناعیه یی جانلاندیرمق ، اک کوچوک سرمایه لرك بیله معاونتی جلب ایده رک تصرفات یومییه یی بوشه بر اقامق ، طوبلانماسی مشکل اولان ایلک سرمایه یی طوبلایه رق بو مؤسس شرکتنه التحاق ایده جک یکی شرکتلر وجوده کله سنى چالیشمق جهتلری

دوشونولدی و بواوچ اساس ۱۸۵۲ ده قره دی موبیلیه شرکت عمومیه سی وجوده کتیردی . بو فرانسه ده نئی ایتش بر فکر دکلدی . ۱۸ نجی عصرده پروسیه بیوک منتخب وقرالی ایکنجی فرددریق عینی مقصدله Seepandbung مؤسسه سی وجوده کتیرمشدی . فقط بونکله فرانسه نك قره دی موبیلیه سی آراسنده طرز تشکلهجه بیوک فرق واردی . برنجیسی حکومت سرمایه سیله تشکل ایتش اولوب افرادك پك آز بر حصه اشتراکی واردی ، واداره ده حکومتك النده ایدی . مع مافیه بو مؤسسه روسیه حکومتك النده یکی شرکتلرک - البه رفه لدن آلمانیا نك هر طرفه تعمیم وانتشار ایتدیکنی یوقاریده سویله دیکمز آنونیم شرکتلرک - وجوده کله سی ایچین بیوک وقوتلی برواصله اولدی . اکر آلمانلرک طبیعت فردیه سی اولماسه دی بو مؤسسه بوتون حرکات صناعیه یی آز زمانده حکومتك النده تجمع ایتدیره جك مدھش بر آلت سیاسیه حکمنی آلا جقدی .

فرانسه ده ایسه قره دی موبیلیه دوغریدن دوغریوه اھالییه مراجعت ایتدی . آنونیم شرکت اولماسی وامور نافعیه اشتراک ایتھه سی حسیلله اداره نك تأثیرندن کاملاً قورتولاماقله برابر آنونیم شرکتلرک تشکلنی بریستم تحتند بولوندورمق ، هپسینی تنسیقات واعتبارجه یکنسق برتپ حانه ارجاع ایتك ، ملاحظات عالمك کافه سی آراسنده قوتلی برمرابطه حاصل اولمق حسیلله کیتدکجه کسب شدت ایدن بخرانلردن قورتارمغه چالیشمق مقصدلرینی تعقیب ایتدی . بو مقصدلر پك لابد ومفید اولدینی جهتله قره دی موبیلیه بیوک بر موفقیتھ مظهر اولدی . اوچ سنه ظرفنده نفوذ وتأتری اسپانیاه ، اسویچریه ، آلمانیا و روسیه سرایت ایدهرک شرکت اوتوزدن زیاده اعتبار عمومی یاخود بلدی ، شمندوفر وسائر شرکتلرینی محافظه وتعمیم ایتدیکی کبی اوروپانك بوتون سرمایه لرینی پارس بورسهنه سنه دوغرو جلب ایتکده موفق اولدی . اکر حکومت اساسات اقتصادیه دهایی واقف اولارق ، خلقك حس سلیمنه برامیت

واطمینان کوسترەرك آجیو معاملاتندە کی افراطك ازاله‌سنى ینە سربستی تجارتە بر اقوب مداخله قانونیه‌ده بولونماسه یدی پارس اوروپانك اك بویوك بر مرکز مالیسی اولاجقدی. ۱۸۵۶ مارت تاریخلی رسمی نوطه آنونیم شرکتلرك ترقیسنه بر ضربه توقیف ایندیردی. سرمایه‌لرك بویوك بر قسمی اجنبی سنداته قلب اولوندینی کی مهم بر قسمی ده هجرت ایدی. آنونیم شرکتلرك نفوذ اداریدن متأثر اولدینی هر دورده وقوعه کلەن حالی یعنی حصه‌لی قوماندیتلرك ظهور و توسی بودوره‌دهده مشهود اولدی. فقط ینە عینی مخاذیر باش کوستردی، یالکز قره‌دی مویلیه تعقیب ایتکده اولدینی وحدت پلانق تطبیقه مقتدر اولامایه‌رق یاواش یاواش اوچورومه دوغرو سوروكله نمکه باشلادی.

کرك بونی جانلاندیرمق، کرك یکی اعتبار شرکتاری وجوده کتیرمک یولنده بر چوق تشبثات وقوع بولمشه‌ده بونلر حقندە کی رخواستنه قارشی مظفر اولغه موفق اولامادیلر، یالکز موجودیتلرینی محافظه ایله‌مکه اکتفا ایتدیلر. بودورده فرانسزلر هر درلو مهم تشبثدن فراغت ایتدکلری کی بو مثال یاواش یاواش اوروپانك هر طرفه‌ده سرایت ایتدی. ۱۸۶۳ تاریخندە نشر اولونان بر قانون انکیزلر تقلیداً و مساعدۀ مخصوصه استحصالندن مصون اولارق مسئولیت محدودە لی شرکتلری قبول ایتدی. آنونیم شرکتلردن فرقی سرمایه‌لرینک ۴۰ میلیون فرانسی تجاوز ایدمه‌مسندن واسته‌حصال رخصتدن مصون اولمردن عبارتدی. ۱۸۶۲ تاریخندە انکلترة و فرانسه آراستندە عقد اولونان مقالیه تجارتیه انکیز شرکتلرینه اجرای معامله حقنی بخش ایتدیکندن حالبوکه انکلترة‌ده فرانسه‌نک آنونیم شرکتلرینه مقابل اولان شرکتات تجارتیه بلا ماذونیت تشکل ایتدیکندن فرانسه تجارتنک انکلتریه نسبتله ده‌ها دون بر موقعدە قالماسی ایچون مسئولیت محدودە لی و مساعده‌سز شرکتلری قبوله مجبور اولمشدر. عینی بر شرکتک ایکی نوعه آریلاسی معقول بر تفریق اولمادیقندن

۴۴ تموز ۱۸۶۷ قانونی الغا و عموم فرانسه ده آنونیم شرکتلری مساعده رسمیهدن مضمون قیلمقله و شرکت تعاونیه بی رسماً طایقله مطلوب و منتظر اولان طریق سربستیده مهم بر آدیم آتمش اولدی. شرکت تعاونیه ایله نه کبی مقاصد تعقیب ایدیلکده اولدینی، بونارک صورت ظهورلری علم اقتصادده [*] تفصیل ایدیش اولدیغندن احکام قانونیه لری بی ده مبحث مخصوصنده کوره جکسزدن بوراده بو کا دائر ایضاحات اعطاسنه لزوم کورمه یورم.

۱۸۸۲ ده فرانسه ده تجارت شرکتلری قانوننه ادخال ایدیله چک تعدیلاتی مذا کره ایتک اوزره پارلمنتو خارجنده بر قومیسون تشکیل ایدیلدی. بر قومیسون طرفندن تنظیم اولونان قانون لایحه سی اوزون مذا کراتدن سوکرا ۱۸۹۳ قانونی تشکیل ایتدی. بو قانون ۱۸۶۷ قانوننک بعض موادخی تعدیل ایله دی.

فقط بونک ده نشرینی متعاقباً ینه بعض تعدیلات لزومی حس ایدیلدی. بوکون فرانسه ده بو باده کی اصلاحاتی مذا کره ایتک اوزره عدلیه نظارتنده موسو لسیون قائمک تحت ریاستنده و موسیور و دولف روسونک راپورتورلکی آلتنده بر قومیسون انعقاد ایله مکده و مذا کرات لازمه یه دوام ایتمکده در.

۱۸۶۲ تاریخنده انکلترة و فرانسه آراسنده عقد اولونان مقاوله تجاریه انکلیز شرکتلرینه فرانسه ده اجرای معامله حقنی بخش ایتدیکندن حال بوکده انکلترده فرانسه نک آنونیم شرکتلرینه مقابل اولان شرکتات تجاریه بلا ماذونیت تشکل ایتدیکندن فرانسه تجارتنک انکلتیره نسبتله ده دوا دون بر موقعده قالماسی ایچین مسئولیت محدوده لی

۱۹۰۰ سنه سننده پارس سرکیسی مناسبتیه ینه بو ذاتلرک ریاستی و راپورتورلکی آلتنده اولارق ودها اول بر قاچ دفعه بین الملل آقسیونلی

شرکتلر قونفره سی اجتماع ایدهرک بوباید بعض مقررات اتخاذ ایله مشدی که بونلردن صیراسی کلدکه بحث ایدهرکجنر .

روسیه قرالیتده آنونیم شرکتلر حقنده کی ایلك قانون ۱۸۴۳ ده « حصه سندانلی شرکتلر » عنوانیه نشر اولونان قانوندر . فقط بوندن اول ۱۸۳۸ قانونی آقسیونله متشکل شمندوفر قومانیالرینه دائر بر قاج اساس وضع ایله مشدی . سائر آلمانیا حکوماتنده آنونیم شرکتلره متدائر بعض تفرعات مختلف قانونلر و امر نامه لرله تعیین ایدیلر . فقط ده ۱۸۳۹ سنه سنده بو دولتلرک واضح قانونلری مواد سائر ایله برابر آقسیونلی شرکتلره ده شامل تجارت قانونی لایحه لری ترتیب ایتمشلردی . بو لایحه لرден جرمانیا هیئت متحده نی تشکیل ایدهن دولتلره مخصوص اولمق اوزره نوردمبرغ قومیسسیوننک ترتیب ایله دیکی لایحه بالخاصه شایان ذکردر . بو لایحه آلمانیا ایچین عمومی بر تجارت قانوننه اساس اولدی . و ۶۱ - ۶۸ سنه لری آراسنده هیئت متحده نی تشکیل ایدهن دولتلرک عمومی طرفندن قبول و تصدیق اولوندی . ۱۸۷۱ تاریخندن اعتبارآده آلمانیا ایمپراطورلغنک قانون تجارتی اولدی . بو قانونک آقسیونلی شرکتلر حقنده کی موادی یالکزر تجارت شرکتلرینه شامل اولدیغندن آلمانیا دولتلری آقسیونلی شرکتلر مدنیه حقنده خصوصی قانونلر تنظیم و نشر ایله مشلردی . حال بوکه ۱۸۷۰ ده نشر اولونان بر قانون تجاری ومدنی آقسیونلی شرکتلری تفریق ایتیه ره رک آقسیونلی شرکت حالنده تشکیل ایدهن هر اشتراکک قانون تجارتنده موضوع احکامه تابع اولاجغنی اعلان ایتدی . بونک نتیجه سی اولارق ۱۸۷۰ قانونی آلمانیا دولتلرینک آقسیونلی شرکتلر عادیه حقنده کی قانونلریغی الغا ایتدی . برده قبل التتشکل استحصال مساعده شرطی رفع ایله ره رک یالکزر بو شرکتلرک تشکلی و اجرای معامله سی حقنده بعض عمومی اساسلر وضعیله اکتفا ایتدی . بواساسلر یک احرارانه بر فکر ایله تعیین ایدیلشدی . حال بوکه شو

صیرالرده ظهور ایدن بعض احوال مؤسسه فی افکار عمومی بوفرط سربستی به عطف ایتدیکندن شکایات ظهور ایتش و آقسیمونلی شرکتلرده حیل و دسایس وقوعی منع ایچین بونلرک غایت صیقی برطاقم تداییر آلتنه آلتماسی طلب اولونمشدی . ۱۸۸۴ قانونی عمومی اساسانده برکونا تبدل وجوده کتیرمه مکله برابر تشکل حقنده واضح قواعد وضع ایتدی . آلمانیا ۹۷ قانونیه بونی ده تعدیل ایتدی .

انکلتراه کلتجه بر مقصد مشروع ایله تشکل ایدن شرکتلر ایچین هر نوع سهولت ابراز ایدن اک صوک قانونلرده بیله شرکتلرک مسئولیت محدوده سی بر قاعده عمومی دکل بر استنادر . شرکتلر بو استنادن آنجااق بعض مراسمی ایفا ایتمک شرطیله مستفید اولورلر . مثلاً عنوان شرکتک آلتنه مسئولیت محدوده لی شرکت اولدیغی قید ایتمک صورت مطلقده مجبوردرلر . شرکتلره متعلق اولان قوانین و نظامات اخیره حقنده بوراده بوندن فضله تفصیلات ویرمه یه جکز . کرک بونلرک محتوی اولدقلری موادک احکامی و کرک ممالک سائرده جاری اولان اصولی آنونیم شرکتلردن بحث ایتدیکمز زمان کوره جکز .

